

ТОШКЕНТ ДАВЛАТ ЮРИДИК УНИВЕРСИТЕТИ



**САЙЛОВОЛДИ
ТАШВИҚОТИ**

**ИЛМИЙ-ОММАБОП
РИСОЛАЛАР СЕРИЯСИ**

ТОШКЕНТ ДАВЛАТ ЙОРИДИК УНИВЕРСИТЕТИ

Р.Р. ХАКИМОВ

**САЙЛОВОЛДИ
ТАШВИҚОТИ**

(оммабоп рисола)

Тошкент – 2021

УЎК: 342.843.19(041)(575.1)

КБК: 66.3(5Ўзб)

X 20

Тошкент давлат юридик университети Илмий-услубий Кенгашининг 2021 йил 30 июндаги 6-сон мажлис баёниомаси билан нашрға тавсия этилган.

Р.Р. Хакимов

Сайловолди ташвиқоти [Матн] / Р.Р. Хакимов.

- Т.: Тошкент давлат юридик университети, 2021. – 21 б.

Мазкур рисолада Ўзбекистон Республикасининг Сайлов кодексига мувофиқ сайловолди ташвиқотини ўтказиш тартиби, ташвиқот олиб бориш турлари, шакл ва усууллари, оммавий ахборот воситалари орқали ташвиқот олиб бориш, сайловолди ташвиқоти жараёнидаги мезёrlар каби муҳим масалалар хусусида аниқ маълумотлар берилган.

Рисола кенг китобхонлар оммасига мўлжалланган.

ISBN: 978-9943-7399-7-0

© Р.Р. Хакимов, 2021 й.

© Тошкент давлат юридик университети, 2021 й.

КИРИШ

Мамлакатимизда амалга оширилаётган изчил ислоҳотлар натижасида фуқароларнинг муҳим сиёсий ҳуқуки бўлмиш сайлов ҳуқуқини таъминлаш, сайловларни очиқ ва ошкора ўтказишга қаратилган мустаҳкам ҳуқуқий асослар яратилди. Ўзбекистон Республикасининг сайлов қонунчилиги тўла халқаро ҳуқуқнинг умумэътироф этилган қоида ва принципларига мувофиқ тарзда шаклланиб, такомиллашиб бормоқда.

Сайловлар – кучли фуқаролик жамияти сари илдамлаётган демократик ҳуқуқий давлатнинг ажралмас белгиси, халқ ҳоҳиш-иродасининг эркин ифодаси, фуқароларнинг жамият ва давлат бошқарувидаги иштирокининг асосий шаклидир. Зеро, демократик сайлов орқали фуқаролар ўзи муносаби билган шахсларни ҳокимият органдарига сайлайди, уларга нисбатан муносабатини билдиради ҳамда шутариқа давлат бошқарувини амалга оширишда билвосита иштирок этади.

Сайловолди ташвиқоти эса сайлов жараёнининг энг муҳим ва масъулияtplи босқичларидан саналади. Айнан ушбу босқичда сиёсий партиялар ва президентликка номзодлар ўзларининг келгуси фаолият дастурлари билан сайловчиларни таништиради.

Шу маънода, сайловчилар ҳамда сайлов жараёни иштирокчиларининг сайловолди ташвиқоти борасида қонунларда белгиланган қоидалардан, ҳуқуқ ва мажбуриятлардан яхши хабардор бўлиши муҳим аҳамият касб этади.

Мазкур рисола сайловчилар ҳамда сайлов жараёни барча иштирокчиларини сайловолди ташвиқотига оид қонун ҳужжатларининг мазмун-моҳияти билан яқиндан таништириш мақсадини кўзлаган бўлиб, у қўлчиликка амалий қўлланма сифатида хизмат қиласи, деган умиддамиз.

I. САЙЛОВОЛДИ ТАШВИҚОТИНИНГ АҲАМИЯТИ

Сайловолди ташвиқоти, таъкидланганидек, сайлов жараёнининг муҳим босқичларидан биридир. Сайловолди ташвиқоти жараёнида миллионлаб сайловчиларни номзодларнинг шахси, билим ва салоҳияти, шунингдек, номзодлар илгари сураётган дастурларнинг асосий мақсади, мазмун-моҳияти ва келгусидаги режалари билан яқиндан таништириш имконияти юзага келади.

Шунинг учун ҳам барча демократик давлатларда, жумладан, бизнинг мамлакатимизда сайловлар жараёнининг сайловолди ташвиқоти босқичига алоҳида эътибор қаратилади.

Эътибор беринг!

Сайловолди ташвиқоти – сайлов кампанияси даврида амалга ошириладиган ва сайловчиларни номзодни ёки сиёсий партияни ёқлаб овоз беришга ундашга қаратилган фаолиятdir.

Ўзбекистон Республикаси
Сайлов кодексининг 44-моддаси

Қайд этиш зарурки, сайловолди ташвиқоти номзодлар ва сиёсий партиялар учун ўз имкониятларини намоён қилишдаги ўзига хос сиёсий майдон ҳисобланади.

Ўзбекистон Республикаси Конституцияси ва сайлов қонунчилигининг асосий вазифаси – сиёсий курашнинг адолатли, холисона, очик ва ошкора олиб борилиши учун барча номзодларга тенг имконият ва кафолатларни яратиш орқали сиёсий плюрализм, яъни фикрлар хилма-хиллиги асосидаги соғлом рақобатни таъминлашдан иборатdir.

Халқаро ва миллий сайлов тажрибаси шуни кўрсатадики, номзодларнинг сайловдаги муваффақиятини белгиловчи муҳим омиллардан бири – бу сайловолди ташвиқотини олиб боришнинг тұғри ва самарали усууларини танлай билишdir. Бинобарин, сайловолди ташвиқотини ўтказища холисона ёндашувни таъминлаш, ижтимоий-иктисодий масалалар ечимининг замонавий, самарали ва муқобил йўлларини кўрсата билиш, сайловчиларни уларга ишонтира олиш муҳим аҳамиятта зга. Ўз навбатида, сайловолди ташвиқоти мобайнида ташвиқотнинг маданий усууларидан фойдаланиш, қонун талабларига қатъий риоя этиш, рақобатчи номзодларнинг шаъни, қадр-кимматини хурмат қилиш талаб этилади.

Инсон ҳукуқлари умумжаҳон декларацияси, Фуқаролик ва сиёсий ҳукуқлар тўғрисидаги Халқаро пакт, Европада Хавфсизлик ва Ҳамкорлик Ташкилотининг Инсонийлик мезонлари бўйича Копентаген ҳужжати, Парламентлараро Иттифоқ Кенгаши қабул қилган “Эркин ва адолатли сайловлар мезонлари тўғрисида”ги декларация ва бошқа бир қатор халқаро-ҳукуқий ҳужжатларда сайловчилар, номзодлар ва сиёсий партияларнинг сайловолди ташвиқотини юритишга бўлган ҳукуқлари кафолатлари назарда тутилган.

Мазкур халқаро стандартлар миллий қонунчилигимизда ҳам ўз аксини топган. Айниқса, 2019 йил 25 июня Сайлов кодексининг қабул қилиниши билан мамлакатимизда сайловолди ташвиқотини тартибга солувчи халқаро стандартларга асосланган ҳукуқий асослар янада мустаҳкамланди.

Бундан ташқари, Европада Хавфсизлик ва Ҳамкорлик ташкилотининг Демократик институтлар ва инсон ҳукуқлари бюроси ҳамда қатор халқаро ташкилотларнинг таклиф ва тавсиялари инобатга олинган ҳолда, Марказий сайлов комиссиясининг 2021 йил 14 апрелдаги қарори билан “Ўзбекистон Республикаси Президентлигига номзодларнинг сайловолди ташвиқотини олиб бориши тартиби тўғрисида”ги низом тасдиқланди.

Мамлакатимизда сайловолди ташвиқоти юритишга оид мазкур ҳукуқий нормалар халқаро ҳукуқнинг умумзътироф этилган қоидаталаблари, ривожланган демократик давлатларнинг бу борадаги илғор тажрибаси ва кўп йиллик амалий ютуқларимиз инобатга олинган ҳолда шакллантирилган бўлиб, сайлов жараёни барча иштирокчиларига тенг шарт-шароит ва имкониятларни кафолатлади.

Ушбу ҳукуқий кафолатлар номзодлар ва сиёсий партияларга ўз дастурларини кент тарғиб қилиш имконини беради ҳамда сайловчиларга номзодлар орасидан ўзи учун муносабини танлашга хизмат қиласи.

II. САЙЛОВОЛДИ ТАШВИҚОТИНИ ОЛИБ БОРИШ ТАРТИБИ

Сайлов жараёни сайлов кампаниясини эълон қилиш, сайлов комиссияларини тузиш, номзодлар кўрсатиш ва уларни рўйхатга олиш, сайловолди ташвиқоти, сайловни ўтказиш ва натижаларини эълон қилиш билан боғлиқ бир қатор босқичлардан иборат бўлиб, улар ичida сайловолди ташвиқоти муҳим ўрин эгаллайди.

Сайловолди ташвиқоти:

- **биринчидан**, номзодларнинг шахси, билими ва салоҳиятини сайловчилар олдида тўла намоён қилишда;
- **иккинчидан**, сайловчиларни номзодлар дастурларининг мақсад-муддаоси, асосий мазмун-моҳияти ва келгусидаги режалари билан яқиндан таниширишда;
- **учинчидан**, сайловчиларни номзод учун овоз беришга ишонтиришда муҳим восита бўлиб хизмат қиласи.

Эътибор беринг!

Сайловолди ташвиқотининг мақсади – сайловда иштирок этувчи номзоднинг билим-салоҳияти, ҳокимиётга бўлган интилиши ва бу борадаги ҳаракат дастурининг мазмун-моҳиятини кент жамоатчиликка етказиш орқали сайловчиларнинг ишончини қозониш ва маълум бир номзодга овоз беришга даъват этишдан иборатdir.

Ўзбекистон Республикаси Сайлов кодексида сайловолди ташвиқотини амалга оширишга доир бир қатор қоида ва талаблар мустаҳкамланган.

Сайлов кодексига асосан, Президентликка номзодлар кўрсатиш сайловга **65 кун қолганда** бошланади ва **45 кун қолганда** тугайди. Номзодларни рўйхатта олиш сайловга **35 кун қолганда** тугалланади.

! *Сайловолди ташвиқоти номзодларни рўйхатга олиш учун белгиланган охирги куннинг эътиборан бошланади.*

! *Сайлов куни ва овоз беришга 1 кун қолганда ташвиқотга йўл қўйилмайди.*

Сайловолди ташвиқоти даври бошлангунга қадар сайловолди ташвиқотини олиб бориш мумкинми?

Сайловолди ташвиқоти бошлангунга қадар сиёсий партиялар томонидан ўзининг фастури ва (ёки) сайловолди платформаси түргрисида тушунтириши ва тарғибот ишларини сиёсий партия ёки унинг президентликка номзодларини ёқлаб овоз беришга даъват этмаган (чақирмаган) ҳаода ўз маблаглари ҳисобидан, шу жумладан, ҳомийлик маблагларидан фойдаланган ҳолда амалга ошириши мумкин.

Навбатдаги сайлов мамлакатимизда 2021 йил 24 октябрь куни ўтказилишини ҳисобга олсан, номзод қўрсатиш 45 кун қолганда, яъни 2021 йил 9 сентябрь куни тугайди. Демак, бу йилги Ўзбекистон Республикаси Президенти сайловида номзодларни рўйхатга олиш 19 сентябрда тугалланади.

Сайловолди ташвиқоти номзодларни рўйхатга олиш учун белгиланган охирги куннинг эртасидан бошланиши қоидасидан келиб чиқилса, жорий сайловлардаги ташвиқот 20 сентябрь атрофида бошланади.

Сайловолди ташвиқоти сайловга бир кун қолганда тўхтатилади. Сайлов куни ва овоз беришга бир кун қолганда ташвиқотга йўл кўйилмайди.

Демак, жорий сайловларда сайловолди ташвиқоти 22 октябрь куни тугайди, 23 октябрь, яъни сайловдан бир кун аввал ҳамда 24 октябрь – овоз бериши куни ташвиқот олиб борилиши мумкин эмас.

Эътибор беринг!

Сайлов куни ва овоз бериш бошланишидан бир кун олдин жамоатчилик фикри сурвлари натижалари, сайлов натижалари прогнозлари, ўтказилашётган сайлов билан боғлиқ бошка тадқиқотларни эълон килиш (ҳаммага маълум килиш), шу жумладан, ахборот тармоқлари, шунингдек, Интернет жаҳон ахборот тармоғига жойлаштириш тақиқланади.

Сайловолди ташвиқотининг яна бир муҳим жиҳати бу – уни молиялаштириш билан боғлиқ масала саналади.

Номзодларга сайловолди ташвиқотини олиб бориш учун маблағлар Ўзбекистон Республикаси Давлат бюджетидан ажратилади.

Номзодларни бошқа манбалардан пул маблағларини ўтказиш (киритиш), товарлар етказиб бериш, ишлар бажариш, хизматлар кўрсатиш шаклида молиявий таъминлаш ва бошқача тарзда молиявий қўллаб-куватлаш тақиқланади.

III. САЙЛОВОЛДИ ТАШВИҚОТИНИ ОЛИБ БОРИШ ТУРЛАРИ, ШАКЛЛАРИ ВА УСУЛЛАРИ

Сайлов қонунчилигига асосан, сайловолди ташвиқотининг қўйидаги *турлари* мавжуд:

➤ сиёсий партиянинг дастури ва (ёки) сайловолди платформаси тўғрисидаги ахборотни ўзининг номзодини ёқлаб овоз беришга даъват этган ҳолда тарқатиш;

➤ Ўзбекистон Республикаси Президентлигига номзоднинг дастури ва (ёки) сайловолди платформаси тўғрисидаги ахборотни номзодни ёқлаб овоз беришга даъват этган ҳолда тарқатиш;

➤ номзод тўғрисидаги ахборотни уни ёқлаб овоз беришга даъват этган ҳолда тарқатиш.

Қонунчиликда сайловолди ташвиқотнинг қўйидаги *шакллари* мустаҳкамланган:

Омма олдида ташвиқот



Очиқ мунозаралар, баҳслар



Матбуот конференциялари



Фуқароларнинг йиғилишлари



Интервьюлар



**Оммавий ахборот
воситаларида чиқишлиар**



Роликларни жойлаштириш

Очиқ мунозаралар, баҳслар – асосан, номзодлар, уларнинг ишончли вакиллари, сиёсий партиялар вакилларининг ўртага кўйилган масала юзасидан очиқ мунозарага, баҳсга киришиши орқали амалга оширилади.

Матбуот конференциялари – бу оммавий ахборот воситалари учун ташкил этиладиган тадбир бўлиб, сиёсий партиялар вакиллари ёки номзодлар, уларнинг ишончли вакилларининг ОАВ билан очиқ мулоқотга киришиш йўли билан амалга оширилади.

Фуқароларнинг йиғилишлари – сайловолди ташвиқотининг айнан шу тури Ўзбекистон Республикаси Президентлигига 2016 йилги сайловлар хусусида Европада Хавфсизлик ва Ҳамкорлик Ташкилотининг Демократик институтлар ва инсон хукуклари бюросининг сайловни кузатиш бўйича миссиясининг якуний ҳисоботида берилган таклифлар асосида миллий қонунчиликка киритилган. Унга мувофиқ, **электорат йиғилиш хукуқидан сайлов пайтида**, шунингдек, сайловдан олдин ва кейин ҳам фойдалана олади.

Интервьюлар бу – эркин сухбат ўтказиш йўли билан журналист, интервьювер ва номзодлар, уларнинг ишончли вакиллари, сиёсий

партиялар вакиллари ўргасида тўғридан-тўғри алоқа орқали маълумотларни олиш усули. Интервью нафақат аниқ ва ишончли маълумот тўплаш имконини кенгайтиради, балки номзоднинг сайловолди дастури тўғрисидаги, унинг фаолиятига доир масалаларни кенгроқ муҳокама қилиш имконини ҳам беради.

Роликларни жойлаштириш – бугунги кунда видеороликлар яратиш ва намойиш қилиш орқали сайловчилар ишончини қозониш энг осон ва самарали усуллардан бири ҳисобланади. Қолаверса, бундай видеороликларни оммага тарқатишида ижтимоий тармоқлардан кенг фойдаланиш имкони ҳам мавжуд.

Ташвиқот усуллари сифатида қўйидагилар ажратиб қўрсатилган:

➤ ОАВ, шу жумладан, телевидение, радио, газета ва журналлар, умумий фойдаланишдаги ахборот-телекоммуникация тармоқлари (жумладан, бутунжаҳон Интернет ахборот тармоги) орқали;



➤ босма, кўргазмали, аудиовизуал ва бошқа ташвиқот материаллари (плакатлар, варақалар ва бошқа материаллар)ни чиқариш ҳамда тарқатиш орқали;



➤ сайловчилар

билин учрашувлар ўtkазиш орқали амалга оширилади.

Ташвиқот даврида уни олиб боришнинг тақиқланмаган бошқа турлари, шакллари ва усулларидан ҳам фойдаланилиши мумкин.

Номзодлар ва сиёсий партияларга босма, кўргазмали, аудиовизуал материаллар, фонограммалар, босма маҳсулотнинг электрон шакллари ва бошқа ташвиқот материалларини монеликсиз чиқариш ҳамда тарқатиш учун тенг шароитлар яратилади.



Эътибор беринг!

! Ташвиқот материалари Ўзбекистон Республикаси ҳудудида тайёрланиши керак.

Босма, кўргазмали, аудиовизуал ва бошқа ташвиқот материалларида қўйидагилар кўрсатилиши лозим:

- сайловолди ташвиқоти материалларини тайёрлаган юридик шахс номи, жойлашган ери (почта манзили) ва у ҳақида бошқа маълумотлар (жисмоний шахс фамилияси, исми ва отасининг исми);
- сайловолди ташвиқоти материалларига буортма берган юридик шахс номи (жисмоний шахс фамилияси, исми ва отасининг исми);
- сайловолди ташвиқоти материаллари нусхасининг сони, чиқарилган санаси ҳақидаги ахборот.



Номзодлар ва уларнинг ишончли вакилларига сайловолди ташвиқотини сайловчилик билан учрашувлар ўтказиш орқали олиб бориши учун тенг шароитлар яратилади.

Сайловчилар билан учрашувлар номзодлар ва уларнинг ишончли вакиллари томонидан мустақил равища ўтказилади.

Сайловчилар билан учрашувларни ўтказиш жойи ва вақти ҳақида округ ёки участка комиссиясига маълум қилинади.

Давлат ва хўжалик бошқаруви органлари, маҳаллий давлат ҳокимияти органлари, жамоат бирлашмалари, шунингдек, фуқароларнинг ўзини ўзи бошқариш органлари учрашувлар ўтказиши учун жиҳозланган хоналарни бепул ажратиши, зарур маълумот ва ахборот материалларини олишда ёрдам кўрсатиши шарт.

Эътибор беринг!

Номзод ёки унинг ишончли вакили бошқа номзод ёки унинг ишончли вакили билан биргаликда сайловчилар билан учрашувлар ўтказиш ёхуд бошқа номзод томонидан ташкил этилган сайловчилар билан учрашувларда иштирок этишга ҳақли.

! Номзодларнинг автобиографик маълумотлари ва уларнинг сайловолди дастурлари тўғрисидаги Ўзбекистон Республикаси Марказий сайлов комиссиясининг ахборот материаллари (плакатлари) сайловолди ташвиқоти материаллари ҳисобланмайди.

IV. САЙЛОВОЛДИ ТАШВИҚОТИНИ ОММАВИЙ АХБОРОТ ВОСИТАЛАРИ ОРҚАЛИ ОЛИБ БОРИШ

Сайловолди ташвиқотини олиб боришда оммавий ахборот воситалари муҳим ўрин тутади. Шу боис қонунчиликда бу борада сайлов жараёни иштирокчиларига, аниқроғи, номзодлар ва сиёсий партияларга тенг шароитларни таъминлашга алоҳида эътибор қаратилади.

Эътибор беринг!

Ташвиқот олиб борилаётганда, давлат оммавий ахборот воситаларидан фойдаланишда ҳажмига кўра бир хил бўлган эфир вақти ва нашр майдонини бепул бериш йўли билан тенг шароитлар таъминланади.

**Ўзбекистон Республикаси Сайлов
кодексининг 46-моддаси**

Қонунчилигимизга мувофиқ, номзодларга сайловолди ташвиқотини ўтказиш учун оммавий ахборот воситаларидан фойдаланишда тенг ҳукуқ берилади. Улар сайловолди ташвиқотини ўтказишнинг шакли, услуглари ва мазмунини мустақил белгилайди.

Айни пайтда сайловолди ташвиқотини амалга оширишда оммавий ахборот воситаларидан фойдаланишда **сунистъемолликларга йўл қўйилмаслиги** қатъий белгилаб қўйилган.

Даврий *матбуот нашрлари* номзодларга сайловолди ташвиқотини ўтказиш билан боғлиқ чиқишлиари учун *тенг миқдорда босма майдони, бир хил жой, бир хил ширифт* ва бошқа шу каби шароитларни таъминлаб беради.

Оммавий ахборот воситалари ажратиладиган эфир вақти ва босма майдонини хисобга олиб бориши ҳамда Марказий сайлов комиссиясига тегишли ахборот тақдим қилиши керак.

Давлат оммавий ахборот воситаларининг эфир вақти, босма майдони номзодлар, сиёсий партияларга **бепул ажратилади**.

! Президентликка номзодлар ва сиёсий партияларга давлат ва надавлат ОАВда эфир вақти ёки чоп этиши майдони туллук асосда ҳам ажратилиши мумкин.

Эфир вакти, чоп этиш майдони учун ОАВ томонидан белгиләндирилгән түлов шартлари ва бошқа талаблар (тираж, эфирга берилгән вақт, жой, шрифт ва ҳоказолар) барча президентликка номзодлар ва сиёсий партиялар учун төңгөрүлгөн тенг ва бир хил бўлиши керак.



Конунчилликка биноан, давлат телевидениеси ва радиоканалларида ажратыладиган белгиләндирилгән түлов эфир вакти *прайм-тайм* вактта тўғри келиши керак. Чиқишиларнинг кетма-кетлиги, сайловолди ташвиқоти даврида номзодларнинг ОАВда чиқишилари уларни кўрсатган сиёсий партияларнинг сайловда иштирок этиши учун ижозат берилган навбатига қараб амалга оширилади.

Белгиләндирилгән түлов эфир вактидан номзодлар оммадий дебатлар, мунозаралар, матбуот анжуманлари, интервью, чиқишилар, сайловчиликлар йигилишилари, номзод тўғрисида роликлар жойлаштириш ва ҳоказолар учун фойдаланиши мумкин.

Сайловолди ташвиқоти доирасида телевизия радиоканалларда жойлаштиришига мўлжалланган материаллар тегишли телевизия радиоканаллар билан ҳамкорликда номзодлар, уларнинг ишончли вакиллари, номзодларни кўрсатган сиёсий партиялар томонидан тайёрланади.

Тақдим этилган эфир вактидан сиёсий партиялар билан келишилган ҳолда, агар номзодлар бундай тадбирларда қатнашишга



рози бўлса, улар ўртасида оммавий дебатлар ва мунозаралар ўтказилиши мумкин.

Номзодлар, уларнинг ишончли вакиллари, номзодларни кўрсатган сиёсий партиялар уларга тақдим этилган эфир вақти ва чоп этиш майдонидан эркин ва ўз ихтиёрига кўра фойдаланади.



Сайловолди ташвиқотини олиб бориш мақсадида ОАВдан бепул фойдаланиш тартиби, ҳажми ва вақти сайловда иштирок этишга ижозат берилган сиёсий партияларнинг фикрини инобатга олган ҳолда, **Марказий сайлов комиссиясининг қарори билан белгиланади**.

Марказий сайлов комиссияси қарорида қуидагилар белгилаб берилади:

эфир вақти ёки чоп этиш майдони бепул тақдим этиладиган давлат ОАВ рўйхати;

сайловолди ташвиқотини олиб бориш учун номзодларга давлат (республика ва маҳаллий) теле- ва радиоканалларида бепул тақдим этиладиган эфир вақти ҳажми, шунингдек, улар эфирга узатиладиган вақт;

сайловолди ташвиқотини олиб бориш учун номзодларга давлат (республика ва маҳаллий) напрларида бепул тақдим этиладиган чоп этиш майдони ҳажми, шунингдек, улар босилиб чиқадиган кунлар;

сайловолди ташвиқоти даврида номзодларнинг ОАВда чикиш навбати.

Ҳак тўланадиган эфир вақти ёки босма майдони ажратиш билан боғлик муносабатлар оммавий ахборот воситалари маъмуриятлари билан тегишли сиёсий партиялар ўртасида тузиладиган шартнома асосида амалга оширилади.

Шуни алоҳида қайд этиш лозимки, оммавий ахборот воситаларида тарқатиладиган ахборот ҳақиқатга тўғри келиши, президентликка номзодлар, сиёсий партияларнинг ҳукуқлари ва қонуний манфаатларига зид бўлмаслиги керак.

Телевидение ва радионинг ахборот дастурларида, даврий матбуот нашрларида сайловолди тадбирлари ўтказилиши тўғрисидаги мальумотлар алоҳида ахборот блоки билан берилиши ҳамда уларда прези-

дентликка номзодлар, сиёсий партиялар учун ажратиладиган эфир вақти ва босма майдони ҳажми тенг бўлиши шарт.

! Сайловолди ташвиқоти материаллари уларни тақдим қилган президентликка номзодлар ва сиёсий партияларнинг розилигисиз таҳрир қилиниши мумкин эмас.

Эътибор беринг!

Нотўғри ахборот, номзоднинг шаъни ва қадр-қимматига путур етказадиган маълумотларни тарқатиш, шунингдек, номзоднинг розилигисиз унинг шахсий ёки оиласвий сиридан иборат хусусий ҳаёти тўғрисидаги маълумотларни ноқонуний тўплаш ёки тарқатиш тақиқланади.

Номзодлар ОАВда чоп этилган нотўғри ҳамда ўзининг шаъни ва қадр-қиммати ёки ишчанлик обрусига путур етказган маълумотлар юзасидан раддия беришни таҳририятдан талаб қилишга ҳақли.

Чоп этиш натижасида ҳукуқлари ва қонуний манфаатлари бузилган номзодлар ушбу ОАВда раддия ёки жавоб мақола чоп этишга ҳақли.

Босма ОАВда раддия ОАВнинг навбатдаги сонида, жавоб пайдо бўлишига сабаб бўлган материал жойлаштирилган саҳифада эълон қилиниши керак.

Электрон ОАВда раддия навбатдаги дастурда ёки кўрсатувда эфирга узатилиши лозим.

Эътибор беринг!

EXХТ Демократик институтлар ва инсон ҳукуқлари бюросининг сайловлар бўйича миссиясининг Ўзбекистон миллий сайлов қонунчилиги бўйича берган тавсияларида оммавий ахборот воситаларида аёл номзодларни эркак номзодлар билан тенг тарзда ёритиш масаласига дикқат қаратилиши лозимлиги кўрсатилган эди.

Мазкур тавсия миллий қонунчиликка жорий қилиниб, 2019 йил 2 сентябрда қабул қилинган “Хотин-қизлар ва эркаклар учун тенг ҳукуқ ҳамда имкониятлар кафолатлари тўғрисида”ги қонуннинг 4-бобида сайлов ҳукуқларини амалга оширишда хотин-қизлар ва эркаклар учун тенг ҳукуқ ҳамда имкониятлар кафолатлари белгилантган.

ОАВ раддияни, жавоб мақолани чоп этишдан бүйин товласа ёки чоп этишнинг белгиланган муддатини бузса, номзодлар судга даъво аризаси билан мурожаат қилишга ҳақли.

Конунчилликка мувоғиқ, сайлов кампанияси пайтида муассислари (кузатув кенгашлари ва бошқа органларнинг аъзолари) тегишинча сиёсий партиялар, президентликка номзодлар ва уларнинг ишончли вакиллари бўлган компаниялар, ташкилотларнинг хайрия фаолияти оммавий ахборот воситаларида ёритилмайди.

Сайловолди ташвиқотини хайрия фаолияти билан бирга қўшиб олиб боришга ҳам йўл қўйилмайди.

V. САЙЛОВОЛДИ ТАШВИҚОТИНИ ОЛИБ БОРИШДАГИ МЕЪЁРЛАР

! Сайловолди ташвиқоти ўтказишининг асосий қоидаларидан бири бу – ташвиқотни сайловчиларга бепул ёки имтиёзли шартларда товарлар бериш, хизматлар кўрсатиш (ахборот хизматларидан ташқари), шунингдек, пул маблағлари тарқатиш билан қўшиб олиб бориш тақиқланганлиги.

! Нотўғри ахборот, шунингдек, номзодларнинг шаъни ва қадрқимматига путур етказадиган маълумотларни тарқатиш тақиқланади.

! Сайлов куни ва овоз беришга бир кун қолганда, ташвиқот ўтказишига йўл қўйилмайди.

! Бинолар, иншоотлар ва бошқа жойларга илгари (сайлов кунидан икки кун олдин) жойлаштирилган сайловолди ташвиқоти материаларининг сайлов куни ва овоз беришга бир кун қолганда олиб қўйилиши мажбурий ҳисобланмайди.

2020 йил 13 майдаги Европада Хавфсизлик ва Ҳамкорлик ташкилотининг Демократик институтлар ва инсон хуқуqlари бюросининг 2019 йилда бўлиб ўтган Парламент сайловларини ўрганиш якунлари бўйича ху-лосаларида берилган тавсияларда кампания даврида давлат ресурс-ларини суистеъмол қилиш масаласини ҳал этадиган аниқ нормалар қонунчилликка киритилиши лозимлиги билдирилган эди.

Ушбу тавсияга асосан, 2021 йил 8 февралдаги қонун билан Сайлов кодексининг 44-моддасига қўшимчалар киритилган.



Унга кўра, сайловолди ташвиқотини олиб бориши тақиқланган шахслар доираси аниқ белгилаб берилди:

- давлат ҳокимияти ва бошқаруви органлари, маҳаллий давлат ҳокимияти органлари раҳбарлари;
- Ўзбекистон Республикаси Қуролли Кучлари ҳарбий хизматчилари, Ўзбекистон Республикаси Давлат хавфсизлик хизмати, бошқа ҳарбийлаштирилган бўлинмалар, ҳукуқни муҳофаза қилувчи органлар ходимлари, судьялар;
- сайлов комиссиялари аъзолари;
- диний ташкилотлар профессионал хизматчилари.

Давлат ҳокимияти ва бошқаруви органларининг, маҳаллий ижро этувчи ҳокимият органларининг мансабдор шахсларига ўз мансаб ва хизмат мавқеидан сайловолди ташвиқоти вақтида ҳар қандай сиёсий партияning ёки номзоднинг фойдасига ёхуд унга қарши фойдаланиши тақиқланади.



! Сайлов комиссиялари аъзоларининг у ёхуд бу партия рамзлари туширилган кийим кийиши, тақинчоқ тақиши ва бошқа белгилардан фойдаланиши тақиқланади.



! Номзодларнинг дастурлари *давлат суверенитети, яхлитлиги ва хавфсизлигига қарши қаратилмаган бўлиши, ҳалқнинг саломатлиги ҳамда маънавиятига таҳдид солмаслиги, урушни, миллий нафратни, ирқий ва диний адоватни тарзиб қилмаслиги, конституциявий тузумни зўрлик ишлатиб ўзгартиришга, фуқароларнинг конституциявий ҳукуқлари ҳамда эркинликларини чекловчи ҳаракатларга даъват қилмаслиги* керак.

Таъкидланганидек, сайловчилар билан учрашувлар Ўзбекистон Республикаси Президентлигига номзодлар, сиёсий партиялар томонидан мустақил равишда ўтказилади.

Сайловчилар билан учрашувларнинг ўтказилиш жойи ва вақти ҳақида округ ёки участка комиссиясига маълум қилинади. Аввалги сайловларда ушбу комиссияларнинг учрашувлар ҳақида сайловчиларни хабардор этиши билан боғлиқ мажбурияти бор эди.

Халқаро ташкилотларнинг тавсияларига кўра, 2021 йил 8 февралдаги қонун ҳамда Сайлов кодексининг 48-мод-дасига

киритилгандай ўзgartишиларга мувофиқ, сайлов комиссиялари зиммасидан ушбу мажбурият олиб таш-ланди.

Едда тутиң!

Эндилекда сайлов комиссиялари сайловолди ташвиқоти даври-даги номздолар билан учрашувларни ташкил қилиш ишларига аралашмайды.

ХУЛОСА

Гувоҳи бўлганимиздек, миллий сайлов қонунчилигимизда сайлов кампаниясининг муҳим таркибий қисми ҳисобланган сайловолди ташвиқотини ўтказиш билан боғлиқ етарли шарт-шароит ва имкониятлар белгиланган. Ушбу қоида-талаблар сайловолди ташвиқотини олиб бориш борасидаги халқаро ҳукуқнинг умумэътироф этилган норма ва принципларига тўла мос келади.

Номзодлар ва сиёсий партияларга сайловолди дастурларининг мазмун-моҳиятини оммавий ахборот воситаларида ёритиш, сайловчилар билан бевосита учрашувлар ўтказиш орқали таниширишда тенг ҳукуқлар яратилган. Ушбу ҳукуқий кафолатлар номзодлар ва сиёсий партияларга ўз дастурларини кенг тарғиб қилиш имконини беради ҳамда сайловчиларга номзодлар орасидан ўзи учун муносибини танлашга хизмат қиласди.

Шуни таъкидлаш лозимки, сайловга оид қонун ҳужжатларида белгиланган демократик тамойил ва талаблар доирасида миллий сайлов тизими шаклланди ва ушбу жараён мамлакатимизда босқичма-босқич амалга оширилаётган сиёсий, ижтимоий-иқтисодий ва маданий-маърифий соҳалардаги ислоҳотлар асосида ривожланиб бормокда.

Сайлов қонунчилигидаги ижобий ўзгаришлар Европада Хавфсизлик ва Ҳамкорлик Ташкилотининг Демократик институтлар ва инсон ҳукуқлари бюросининг ўтган сайловлар якунлари бўйича берган таклиф ва тавсияларини миллий қонунчиликка жорий қилиш асосида юз бераётгани унинг халқаро стандартларга мос равища дарак беради.

Хулоса ўрнида айтиш мумкинки, мамлакатимизда сайловолди ташвиқоти юритишга оид қонун нормалари халқаро ҳукуқнинг умумэътироф этилган қоида-талаблари, ривожланган демократик давлатларнинг илғор тажрибаси ва бой амалий кўнкимларимизни инобатта олган ҳолда шакллантирилган бўлиб, сайлов жараёнида сиёсий партиялар, номзодлар ҳамда уларнинг ишончли вакилларига тенг шарт-шароит ва имкониятларни кафолатлайди.

МУНДАРИЖА

КИРИШ	3
I. Сайловолди ташвиқотининг аҳамияти	4
II. Сайловолди ташвиқоти олиб бориш тартиби	6
III. Сайловолди ташвиқотини олиб бориш турлари, шакллари ва усуллари	8
IV. Сайловолди ташвиқотини Оммавий аҳборот воситалари орқали олиб бориш	12
V. Сайловолди ташвиқотини олиб боришдаги меъёрлар	16
ХУЛОСА	19

P.P. ХАКИМОВ
САЙЛОВОЛДИ ТАШВИҚОТИ
(оммабоп рисола)

*Масъул мұхаррір: Ҳ. Салоева
Мұхаррір: Ф. Мұхаммадиева
Техник мұхаррір: Ү. Санаев
Компьютерда саҳифаловчи: Д. Ражапов*

Босишига рухсат этилди: 27.03.2021.
Хажми: 2 б.т. Адади: 40. Буюртма: № 9.

Тошкент давлат юридик университети
Типография бўлимида чоп этилди.
Тошкент шаҳри, Сайилгоҳ кўчаси, 35-уй.

ИЛМИЙ-ОММАБОП РИСОЛАЛАР МАХСУС СЕРИЯСИ:

- 1) Президент сайловининг ўзига хос хусусиятлари;
- 2) Президентликка номзодларнинг ҳуқуқий мақоми;
- 3) Президент сайловида сиёсий партияларнинг иштироки;
- 4) Сайловолди ташвиқоти;
- 5) Сайловда овоз бериш тартиби;
- 6) Сайловларда очиқлик ва ошкоралик;
- 7) Сайловчиларнинг рўйхатини тузиш тартиби;
- 8) Сайлов ҳуқуқларига оид шикоятларни кўриб чиқиш;
- 9) Сайлов қонунчилигини бузганлик учун жавобгарлик;
- 10) Халқаро сайлов стандартлари;
- 11) Кузатувчиларнинг ҳуқуқий мақоми;
- 12) Марказий сайлов комиссиясининг мақоми;
- 13) Округ сайлов комиссияларининг мақоми;
- 14) Участка сайлов комиссияларининг мақоми.

ИЛОВАНИ ЮКЛАБ ОЛИШ:

